

澹

靜

齋

詩

鈔

澹靜齋詩鈔卷之五

閩中 海峯 龔景瀚

思存草

紀園觀花

曾向天台見玉容  
落花流水杳難逢  
春風一度無消息  
人在蓬山第幾重

紀園花事又春風  
老我情懷已不同  
明月團圓孤影瘦  
看他萬紫與千紅

雨後見新柳

郊原半夜雨楊柳  
一時青綠黛彎如  
月秋波炯若星非

邪魂冉冉望處影亭亭可惜長眠去春風喚不醒

安國鎮夜雨不寐

荒戍寒雞噤不鳴倚牀數盡短長更似將滴滴愁人淚  
迸作瀟瀟暮雨聲泉路微茫無信到空房髣髴有人行  
亦思睡眠朦朧閉其奈胸中耿耿明

送陶少府衛文調任玉門次周魯瞻韻

我本傷哀樂臨岐更黯然此行非得已且任少相延故  
國渺何處陽關路幾千殷勤盡杯酒思入暮雲邊  
瘠土連荒磧衝途控極邊艱難同一邑黽勉已三年軒  
冕非吾志山林有夙緣飛騰君自可努力祖生鞭

夏夜

如寢復如癡中宵酒醒時起行還就榻欲語又無詞鬱鬱緣何事沈沈若有思眼開身輾轉翻恨漏聲遲

衛文將行鄧南村爲寫疎林遠岫便面重題志別  
遠岫青青淡欲無疎林一帶影模糊玉門關外沙如雪  
可有風光似此圖

青山盡處著輕航雲樹依稀似建昌

衛文建昌人

此日攜家

邊塞去年年歸寢入江鄉

六月十二夜月時將以次日赴蘭州

匆匆又西去誰爲整行裝回首初春日修眉倚戶傍殷

勤添食餌檢點及衣裳此夕憐孤影還看明月光

平涼新樂府

甘肅民皆貧苦而平涼尤甚作令三年百目所  
及有不忍見聞者作平涼新樂府四章書座右  
亦欲觸目有動也嗚呼司民牧者患於疾苦之  
不知知之矣而不能爲之所又不早自引去徒  
託諸詩歌以自解免負國負民辜可道乎

平涼民居何所此身未死先入土蟻穴憧憧自往來蜂  
窩處處分門戶炕前列釜竈炕後聚男女牛羊在屋上  
雞犬在屋下叶於時言言於時語於斯歌哭於斯聚自

從子孫溯宗祖數輩不識瓦與柱昨聞張家莊滂沱三日雨崖傾牆壁崩壓死不知數爾民豈誠愚嗚呼平涼之民何太苦

平涼民身何衣背上一塊花羊皮白布三尺蔽前後手足凍皴如裂龜十三女兒議嫁娶縮手窰中尙無袴一家團坐薰馬通但擁殘氈與敗絮客來賣布不索直秋量禾穀夏量麥傾困倒廩不敢辭身上有衣口無食昨聞官府出明示嚴禁客民索重息民愚淩感縣官仁却恐今冬賒不得牀頭餘粟幸不饑妻子相顧寒無衣北風刺骨冷欲死豈能待至夏秋時

平涼民耕何田賦籍沿自明中年民監更屯目有四輕  
重相去如天淵民田什一古所定科則况分原與川監  
田牧地賦更薄每畝不過十餘錢獨有更田本王府昔  
日私租今作賦屯田大半民棄餘溝底山頭多瘠土當  
時屯政隸軍官緩急操縱猶等閒今日司農有定額取  
盈歲歲誰能刪豐年畝登禾數束盡納官糧尙不足  
聖恩浩蕩大如天二十年閒詔屢蠲歸家感泣告妻子  
依舊新糧完不起纍纍鞭扑滿公堂官府但道民無良  
平涼民讀何書師一弟子百有餘古寺團圞高下坐闕  
堂一撓聲葫蘆讀罷依然不識字何況通文曉大義今

年荏苒復明年多少英才皆暴棄就中敏者十餘人學  
臣草草與衣巾出入鄉閭耀親戚何殊威鳳與麒麟大  
雅沈沈久不作浸淫何怪民風薄文翁蜀郡潮陽韓誰  
與斯民作木鐸柳湖高柳碧參天壞壁殘垣冷暮烟顧  
榮去後風流絕絃誦無聲二十年

柳湖書院建於顧太守光旭今已圯近始

興修未竣工也

### 淺淺子紀事

平涼府之北距城七十里兩山夾一溝地名淺淺子周  
迴百頃餘其中皆積水傳聞廿年前峽口山初圯壅水  
匯深潭幽暗不見底是夕潭有聲一夜吼不止從茲長



怪物聚族居於是每當夏雷鳴輒有妖雲起白氣布空中散漫及遠邇大雹如盤孟小雹如棗李高禾皆摧折弱植亦披靡可憐終歲勞徒灑一日涕租稅既無出衣倉更何以去年害尤烈人畜或傷死至今東北鄉十室九如洗始余聞是言頗疑非常理風雷各有司降禍豈在彼休咎驗庶徵感召惟人耳令也實不德勿徒舉神鬼及茲訪輿論兼復考書史歷歷皆有徵象說如一軌曰余忝民牧此事淩足恥德化既未能力驅安可已作文告城隍縷陳原委首言民困窮此日宜安救中言天子聖法不容奸宄終言神聰明捍禦民所恃猶恐隔

幽明或未達意旨三日齋沐浴六往勤拜跪五月初  
八告祠薦牲醴屬屬如有聞彷彿具鞭弭凌晨集吏民  
移檄調兵士大礮間長鎗強弓兼毒矢成賊逆不計殃  
咎甘如醴誓將活萬民義不顧一已行行至中途父老  
環跪俟請官且回車怪物已他徙昨宵潭有聲聲與前  
相似狂風忽大作眯目不容視滾滾向東南陰若有驅  
使聞言不敢信輕騎至涯涘四山氣若喪一水清如泚  
因令具畚鍤聊復開山嶺十年鑿不通頃刻流若駛始  
信神有靈民言或不詭歸來已數月寸衷交懼喜聞雷  
心一動望禳步屢跂今茲麥豆收野積如櫛比秋成知

可期微神不及此妖患庶永除明神長降祉識此告吾民毋忘春秋祀

悼亡詩

張孺人歿五閱月矣夜不能寐撫今追昔襟得七言絕句二十八首不足云詩聊以抒寫哀情

焉已

月影橫斜燭影昏枕邊小語尙溫存甯知款款春風面已亭亭倩女魂

初七之夜余二鼓始歸枕上絮語猶問次日送迎事

舉帷猶響步珊珊不測風雲頃刻間垂首欲言呼不應

牀前已隔萬重山

少頃以胸膈不快起如別室行步猶如常也返抵牀足未上而頭忽倒呼

之已不  
能應矣

定知死逸勝生勞三十年來非曰操百丈懸崖輕放手

竟無一語付兒曹

急呼子女婢僕至  
噫兩聲氣已絕矣

對泣牛衣累細君豈知從宦更憂勤步搖條脫曾何有

腸斷橈前百衲裙

宦署二年勤勞更甚檢其遺衣  
所著布裙補綻凡二十四處

當年忝筆賦催妝玉樹交花四十章一幅紅綾幻春寢

忍言蓮子是同房

親迎之夕余草催妝詩四十首以紅  
綾書之孺人既歸粘於壁上數月爲

人竊去其稟遂亡然孺人猶記憶數首怪道  
昨宵人報喜拆開蓮子是同房常所誦句也

畫眉初見尙含羞我亦從容賦好逑永久清談過一月

爐香茗椀儘風流

歸時余與孺人年皆十七清談累  
夜語不及私一月之後始定情焉

如水交情久始知每於別後苦相思閉門三日流紅淚

惆悵秦嘉上計時

戊子余計偕北上孺人閉門哭三日目盡腫然余在家時孺人遠嫌別微

卽枕席間未嘗有燕昵之色也

剪刀聲間讀書聲瘦影雙雙對短檠一領羅衾寒擁背

蕭蕭風雪過殘更

余讀恆過夜半孺人必以女紅相伴已丑隨侍高陽署中北地苦寒風雪

之夜冷不能寐

每擁背爲暖

典盡衣釵爲若翁從茲荆布伴梁鴻蛾眉淡掃秋波炯

林下風姿更不同

先大夫高陽官累孺人盡出嫁時衣飾典質足之自是遂荆布終身矣

傳來惡耗忽紛紜日極滇南萬里雲辛苦長沙驚再見

香肌瘦盡爲夫君

癸巳余在滇遭先大夫之變時孺人寓長沙有傳余以毀致疾者孺人

日夜驚憂遍泣神佛願以身代體素  
豐至是滅其半余歸驚若不相識也

針神巧處奪天工衣食都由十指中怪有金錢賽神佛

夜來新繡牡丹紅性敏巧所作女紅皆速而工寓居長

繡牡丹諸花於尺幅上為裙鏡袖頭一宿而成晨以易錢市牲醴為余歸酬神

十年故里作經師無米重煩巧婦炊獨向空房搜盡篋

不教仰屋亂文思余家居十數年投徙為活眷口浩繁

貸不使  
余知也

高堂永日奉晨昏小叔諸姑亦有恩四壁蕭然三十口

可憐健婦獨當門上侍 慈姑下撫小  
郎小姑皆有恩意

三年宦蹟黃河外迴首鄉園奈遠何債客猙獰兒女餓

至今枕席泪痕多

乙巳余筮仕中衛地瘠途長不能稍為家中潤新逋舊欠索者紛起窮人

彌持補苴惡聲盈百枕

席之上泪痕常濕也

婚嫁何時畢向平芳心幾度苦經營柳枝遣去黃金盡

手挈兒童萬里行

丁未余在靖遠濡人以所寄金嫁小姑與長女又為式兒畢婚心力竭矣

家僅一婢鬻為行資遂提攜幼弱踉蹌西來

秦閩相隔萬山多苦憶雙親髮已皤今日老人翻哭汝

九原遺恨更何如

抵署後每念及外舅外姑不置語及之輒流淚

左家嬌女牽衣日灑淚登車不忍聞此別誰知成永訣

年年望斷隴頭雲

孺人為余言來時長女歸林氏相對痛哭勸不能已此後恐不復再相見

也今果然矣

男號女哭汝應知更有嬌啼七歲兒坐既無睡眠又早  
寢難過處上燈時

紫鳳天吳倒玉機針頭線尾尚依稀卽今刀尺空盈几

誰爲兒郎補故衣

寸絲尺布皆謹藏之兒女雖長未常製一新帛爲衣補綴縫紉署中二年

無一日閒也

紗牕日永睡遲遲憶得扶牀却立時此後鰥魚長不寐

有誰半夜慰相思

余或宴起孺人必屏立牀前潛伺動定

秋風日日憶尊鱸爲勸加餐自入厨芍葯調成藜藿飽

如今更有爾肴無

遠宦時思鄉味孺人每飯必手治肴膳雖蔬菜皆可於口其餘或及賓客

無不甘之



街鼓帷燈語斷腸夜深猶自讀琅琅晴牕此日重開卷

不料新詩是悼亡

去歲臘月忽索余詩因錄橐中爲孺人作者凡十一首爲一通付之孺人

每夜朗誦而固原所寄詩云帷燈影映如鈞月街鼓聲催欲曙天尤吟詠不去口

一燈兒女話深宵泪眼相看恨不消  
巷柝無聲香欲燼

總帷風暗影蕭蕭

海上神山路渺茫人間難覓返魂香  
祇從寢裏尋消息  
其柰昏昏睡不長

香車拂日影  
羣羶記得來時六月三  
今日一帆歸去也

萬條繩束木皮面

重泉先去侍翁姑不念衙齋客  
寢孤萬樹松杉江外路

殯宮長傍石倉湖

先大夫墓在馬頭江之西石倉湖之東孺人歸柩令其權厝於此

宦海風波早見機聲聲寢裏喚當歸一官雞肋吾猶戀

鑄錯真慚小草非

孺人常謂余曰儂本不思來恐君宦興濃欲勸之早歸耳寢中未嘗忘斯

語也

洞房粉黛吾何忍禪榻茶烟了此生隴水東流無盡日

九原長聽斷腸聲

### 彈箏峽遇大風雨

炎曦赫赫行當空鬱蒸萬里天無風西行况復對夕照  
何異厝火車中烘驕陽亢極勢將變一朵烏雲起西面  
沈沈雨氣半遮山隱隱輕雷送飛電彈箏峽裏水聲急

怪石嵯岬作人立青天一線忽蒼茫對面昏昏人不識  
驚風捲地飛黃埃霹靂一聲山欲摧傾盆瀉水雨如注  
倒挽黃河天上來側身急入戍樓裏却顧衣裳如滌水  
一燈王僕坐相看汨汨更餘猶不止須臾雨歇忽雲開  
點點星光照草萊驅車徑向瓦亭宿猶聞窸窣聲如雷  
夜寒坐擁雙重被反手炎涼竟若此世間萬事亦何常  
冷且勿憂暖勿喜

過六盤山紀事

六盤昨夜雷雨作山東飛雨山西雹天公豈獨甚西民  
剗盡田禾一何虐青者胡麻黃者麥蕎麥花開紅間白

可憐昨日異今朝  
敗穗殘花滿阡陌  
夏禾已熟不到口  
秋禾尙弱更何有  
男啼女哭向田中  
不望蒼天望父母  
長官清晨巡所部  
走馬田間相勞苦  
回衙泣草告災書  
八羽星飛達大府

抵隆德某明府以近作聞雷詩見示喜而賦贈

把卷讀君詩掩卷識君心  
君詩非苟作憂民一何深  
秦西紛仕宦能者多如林  
放衙值長晝炎暑方銷金  
科頭踞長簷廣廈森陰陰  
開筵會賓客瓜李相浮沈  
美僮羅四五嫋嫋絲竹音  
爲歡不知極猶憂暑氣侵  
聞雷喜相顧得雨清煩襟  
甯知閭閻下日夕望氛祲  
殷殷微作響

惴惴如不禁君詩偶然耳流露出悃枕想見衙齋裏憂  
樂日相尋

昨宵宿瓦亭驚聞冰雹起今晨下六盤蒿目田禾死頗  
憂隆城民俯仰將何以及茲讀君詩翻變愁爲喜堯湯  
遭水旱碌碌况下土天數未可知人事有常理民愚若  
嬰孩活之在吾子子心不在民豐年焉足紀子心苟在  
民凶歲亦可恃所以大聖人筆削春秋史不雨與有年  
兩書各有指豐凶不在天轉移惟一己但願存此心慎  
終如其始

靜甯上峽口

河流隨峽轉山路入雲紆  
細雨斜風裏何殊棧道圖

界石舖至青家驛

亂山不可名起伏皆一狀  
衆水各分流東西無定向  
水性悍而爭山勢頽然放  
崩騰岸屢遷凹凸歲殊相  
零落無完衣分裂如破盜  
懸崖通一綫車馬苦相傍  
改轍權所宜繞道善於讓  
轡環往如復滾入進益上  
盤盤蟻穿珠縮縮蚕緣纒  
吁嗟寒陵關永日常在望

青家驛古名寒陵關

嶮口十里遇雨

白雲漠漠雨蕭蕭  
勒馬徐吟過小橋  
衣履未妨都濕盡

凌看山瀑似春潮

衆水爭流赴壑浪花似雪聲響如雷亦奇觀也

雨宿鈿鉤驛

炊烟雨氣兩濛濛  
垂首低吟矮屋中  
記得雙驂亭上坐  
隔花人語隔簾風

題王騰夫羅浮採藥圖

羅浮之山高接天  
風雨離合如雲烟  
飛來何日還飛去  
海上遲留千百年  
靈芝三秀光灼灼  
蝴蝶五色飛翩翩  
持籃採藥者誰子  
人言往往多神仙  
騰夫王子生浙右  
壯志遊盡名山川  
十年飢走嶺海去  
一夏飽噉荔枝眠  
曾在山中住信宿  
山鳥山花皆有緣  
閒憑尺幅寫邱壑  
更弄毫楮題長篇  
君今攜家平涼住  
掉頭南望路八千

有時相憶一開拳足不能到心畱連我思過眼卽陳迹  
一切妄想皆須捐君家蘭亭禹穴側千巖萬壑秀連娟  
故鄉咫尺不得去何况遠在南海邊人生容易凋朱顏  
快意所貴在眼前請與君遊崆峒山來遠門外草芊芊  
金鞍玉勒垂絲鞭風吹飛翠落平田天橋流水聲潺潺  
道宮宏敞畫掩關羣峯縹渺天際懸烟梳雨櫛堆雲鬢  
乘風軒舉勢欲騫丹梯百尺窮躋攀錦屏燦爛霜林殷  
北臺之勝幽更妍雙橋裊裊雲相聯蒼松萬樹枝踟躕  
奇石笏立苔文斑疎林徐吐月灣環人聲不聞如入禪  
元鶴拍拍空中旋乘之徑上香山巔科頭散髮衣不船



開懷笑倩天風扇手攀帝座窺星躔足踏夔岳三峯蓮  
百壺進酒如流泉高歌拍手醉欲顛偃卧松下樂陶然  
何必驂鸞駕雲輶不死之藥徒浪傳抽配離坎煉丹鉛  
槁死空山真可憐卽曰有之未爲賢偃偻金闕列仙班  
亦有官職身拘牽其苦何異在世間此圖雖好姑舍旃  
鈺鉤驛阻雨寄懷小范家兄

處處飛流湧急湍昏昏破驛駐征鞍愁人先覺秋風至  
旅寢重驚夜雨寒壞壁題詩還自讀孤燈對酒與誰歡  
天涯兄弟巫巫老白髮休從鏡裏看

寄示諸兒女

殯宮長傍石倉湖

先大夫墓在馬頭江之西石倉湖之東孺人歸柩令其權厝於此

宦海風波早見機  
聲聲寢裏喚當歸  
一官雞肋吾猶戀

鑄錯真慚小草非

孺人常謂余曰儂本不思來恐君宦興濃欲勸之早歸耳寢中未嘗忘斯

語也

洞房粉黛吾何忍  
禪榻茶烟了此生  
隴水東流無盡日

九原長聽斷腸聲

彈箏峽遇大風雨

炎曦赫赫行當空  
鬱蒸萬里天無風  
西行况復對夕照  
何異厝火車中  
烘驕陽亢極勢將變  
一朶烏雲起西面  
沈沈雨氣半遮山  
隱隱輕雷送飛電  
彈箏峽裏水聲急

怪石嵯峒作人立青天一線忽蒼茫對面昏昏人不識  
驚風捲地飛黃埃霹靂一聲山欲摧傾盆瀉水雨如注  
倒挽黃河天上來側身急入成樓裏却顧衣裳如澌水  
一燈主僕坐相看汨汨更餘猶不止須臾雨歇忽雲開  
點點星光照草萊驅車徑向瓦亭宿猶聞壑底聲如雷  
夜寒坐擁雙重被反手炎涼竟若此世間萬事亦何常  
冷且勿憂暖勿喜

過六盤山紀事

六盤昨夜雷雨作山東飛雨山西雹天公豈獨甚西民  
剗盡田禾一何虐青者胡麻黃者麥蕎麥花開紅間白

可憐昨日異今朝  
敗穗殘花滿阡陌  
夏禾已熟不到口  
秋禾尙弱更何有  
男啼女哭向田中  
不望蒼天望父母  
長官清晨巡所部  
走馬田間相勞苦  
回衙泣草告災書  
八羽星飛達大府

抵隆德某明府以近作閩雷詩見示喜而賦贈

把卷讀君詩掩卷識君心  
君詩非苟作憂民一何深  
秦西紛仕宦能者多如林  
放衙值長晝炎暑方銷金  
科頭踞長簞廣廈森陰陰  
開筵會賓客瓜李相浮沈  
美僮羅四五嫋嫋絲竹音  
爲歡不知極猶憂暑氣侵  
聞雷喜相顧得雨清煩襟  
甯知閭閻下日夕望氛祲  
殷殷微作響

惴惴如不禁君詩偶然耳流露出悃忱想見衙齋裏憂  
樂日相尋

昨宵宿瓦亭驚聞冰雹起今晨下六盤蒿目田禾死頗  
憂隆城民俯仰將何以及茲讀君詩翻變愁爲喜堯湯  
遭水旱碌碌况下士天數未可知人事有常理民愚若  
嬰孩活之在吾子子心不在民豐年焉足紀子心苟在  
民凶歲亦可恃所以大聖人筆削春秋史不雨與有年  
兩書各有指豐凶不在天轉移惟一己但願存此心慎  
終如其始

靜甯上峽口

河流隨峽轉山路入雲紆細雨斜風裏何殊棧道圖

界石舖至青家驛

亂山不可名起伏皆一狀衆水各分流東西無定向水性悍而爭山勢頽然放崩騰岸屢遷凹凸歲殊相零落無完衣分裂如破盜懸崖通一綫車馬苦相傍改轍權所宜繞道善於讓轡環往如復滾入進益上盤盤蟻穿珠縮縮蚤絲纒吁嗟寒陵關永日常在望

青家驛古名寒陵關

巖口十里遇雨

白雲漠漠雨蕭蕭勒馬徐吟過小橋衣履未妨都濕盡

夢看山瀑似春潮

衆水爭流赴壑浪花似雪聲響如雷亦奇觀也

雨宿鈿鉤驛

炊烟雨氣兩濛濛  
垂首低吟矮屋中  
記得雙驂亭上坐  
隔花人語隔簾風

題王騰夫羅浮採藥圖

羅浮之山高接天  
風雨離合如雲烟  
飛來何日還飛去  
海上遲留千百年  
靈芝三秀光灼灼  
蝴蝶五色飛翩翩  
持籃採藥者誰子  
人言往往多神仙  
騰夫王子生浙右  
壯志遊盡名山川  
十年飢餒嶺海去  
一夏飽噉荔枝眠  
曾在山中住信宿  
山鳥山花皆有緣  
閒憑尺幅寫邱壑  
更弄毫楮題長篇  
君今攜家平涼住  
掉頭南望路八千

有時相憶一開拳足不能到心畱連我思過眼卽陳迹  
一切妄想皆須捐君家蘭亭禹穴側千巖萬壑秀連娟  
故鄉咫尺不得去何况遠在南海邊人生容易凋朱顏  
快意所貴在眼前請與君遊崆峒山來遠門外草芊芊  
金鞍玉勒垂絲鞭風吹飛翠落平田天橋流水聲潺潺  
道宮宏敞畫掩關羣峯縹渺天際懸烟梳雨櫛堆雲鬢  
乘風軒舉勢欲騫丹楹百尺窮躋攀錦屏燦爛霜林殷  
北臺之勝幽更妍雙橋裊裊雲相聯蒼松萬樹枝跼踖  
奇石笏立苔文斑疎林徐吐月灣環人聲不聞如入禪  
元鶴拍拍空中旋乘之徑上香山巔科頭散髮衣不船



開懷笑倩天風扇手攀帝座窺星躔足踏藝岳三峯蓮  
百壺進酒如流泉高歌拍手醉欲顛偃卧松下樂陶然  
何必驂鸞駕雲輶不死之藥徒浪傳抽配離坎煉丹鉛  
槁死空山真可憐卽曰有之未爲賢偃偻金闕列仙班  
亦有官職身拘牽其苦何異在世間此圖雖好姑舍旃

鈺鉤驛阻雨寄懷小范家兄

處處飛流湧急湍昏昏破驛駐征鞍愁人先覺秋風至  
旅寢重驚夜雨寒壞壁題詩還自讀孤燈對酒與誰歡  
天涯兄弟巫巫老白髮休從鏡裏看

寄示諸兒女

長簾空房涕淚新無端策馬又風塵年來愈覺功名淡  
老去方知兒女親唧唧蟲聲喧到枕幢幢燈影冷依人  
滿天風雨荒山路不爲悲秋亦愴神

集放翁句

幽澗泉鳴夜未央篆盤重點已殘香喚回四十三年寢

泉路憑誰說斷腸

張孺人與余同年  
亡時適四十三歲

樓上誰家弄玉簫昏燈照幔窸無聊年來妄念消除盡  
惟有詩情似灞橋

集香山句

悠悠生死別經年舊事思量在眼前霜草蒼蒼蟲切切

孤燈挑盡未成眠

別有傷心事豈知少年爲戲老成悲牀帷半故簾旌斷  
盡日無人屬阿誰

雨後

積雨連三日秋雲尙作陰山頭白滃滃山脚碧沈沈

山雞

山雞毛羽好何事不高飛此地稻梁少故鄉烟水肥遲  
遲甯有意踽踽欲奚依見說山中侶年年望汝歸

出蘭州

經旬事走趨勞勞歷昏曉跼蹐轅下駒憔悴籠中鳥今

晨一軒睂揮鞭指林杪回顧東郭門迴與紅塵杳蘭山  
高插天雲際青縹緲谿壑聲琤琤田園綠縹繞漸喜一  
身輕方覺雙眸瞭車中手一卷吟聲徹四表行人疑卻  
立我馬屢驚擾故園不得歸此事終未了途路暫偷閒  
數日勿嫌少譬如終歲飢猶得一餐飽

抵署

出外已月餘抵家亦可喜我馬不停蹄我車如流水歸  
來入室房流塵積牕几牀帷半低垂猶疑臥未起兒女  
前問訊強笑中含淚徘徊庭戶間出入皆非是昔日歸  
何如今日歸若此

七夕用王騰夫韻

無計却情魔  
秋風柰汝何  
殘燈孤影瘦  
急雨五更多  
幽寢雲無路  
重泉水不波  
年年猶一會  
甯忍怨天河

中秋

空庭人語寂  
草木有秋聲  
忽見階前月  
還如去歲明

送黃廉標表第四闈兼柬令姪惟占

少小專吾 母膝下  
但兒嬉 荏苒不自力  
歲月忽如馳  
壯大知 變日桑榆景  
已遲 徒懷寸草心  
竟抱無窮悲哀  
哀白頭 烏啞啞  
枝上啼 繞樹日三匝  
四顧將焉依  
外家伯叔 與零落  
存者稀 羣從六  
七人 長夕尙不違  
非惟篤

感誼亦以慰所思  
梧椿不忍釋况吾  
母家兒一官走

萬里五載困邊陲  
尺書常不達舊事如鴻泥  
潭潭清廉

里往往寢見之  
舅家聚族居此  
虎山高萃元龍江波渺瀰

五虎山鳥

龍江皆在清廉里  
猶似  
母歸宵襍被行追隨  
桑麻鬱畦畛花

柳搖門扉斑白出  
執手童稚環牽衣  
設席羅肴酒各各

前致辭孤枕忽寢覺  
涕淚空交頤  
掉首望南天白雲閒

自飛鄉音不可聞  
此意當告誰  
子從何處來  
徒步足胼

胝草衣叩署門  
閤人驚且疑  
昔別年尙幼  
今壯我已衰

坐定問諸昆  
大半傷蘭萎  
夜闌陳往事  
歡笑兼涕洟  
又

聞諸舅宅池榭皆凌夷  
吾母昔遊處蕩然無復遺  
豈

獨音容渺且復風景非俯仰十年間不圖竟至斯月餘  
思輾轉念子當行歸懷新復款舊屢屢緩其期子歸安  
所分執業勿嫌卑祖宗有良謀努力勤播菑天風秔稻  
熟沙雨薯芋肥團圞樂妻子何必遊天涯爲我問阿咸  
不見又數期三代樞在野骨冷寒風吹貧人尙不忍汝  
家有餘貲選日急卜垂勿爲識者嗤仲氏入泮水學業  
今何其幼者尤敏慤慎擇良友師又當收宗族恤其寒  
與飢松栢有本根亦賴葉與枝和氣積薰蒸一家樂怡  
怡吾年過四十棧豆角久羈行當投劾去與汝同持卮  
藹藹凝翠樓其間結茅茨

樓匾爲宋文公手書蓋避僞  
禁時所寓今爲余外祖墓舍

田園有真趣山水含清姿還應數來往如吾母在時

喜聞張生紹學領解作示邱范諸子

勝頭乍見姓名新百有餘年又一人

順治間梁太史領解至此繼起

涇

水峒山如有待青燈黃卷豈無因老夫不爲科名喜此地還期學術醇寄語諸君須努力柳湖今日已逢春

時方

興修柳湖書院

抵崇信縣署

小邑百餘家孤城落照斜萬山橫翠嶂一水瀉紅沙古

屋蟬吟樹空庭鵲報衙吾來何太晚不見錦屏花

署枕錦屏

山以春夏間花草最盛故名



丹青遺廟古猶說武康王

唐李元諒為隴右節度始建鎮城故宮猶在

楊柳

新墟落

國朝武君全文令此教民上盡植楊柳謂之新柳灘

雲烟古戰場居民

餘二里

前明緝戶五里兵草後僅存二里

老木尙千章撫字慚無術休

言五日忙

時余兼攝縣篆

### 崇信歸途遇大風雪

昨朝雨今朝雪拽兵原上行人絕朔風打面勁如鐵冰  
 骨稜稜割膚裂馬行十步九回頭金鞭敲斲手指折季  
 秋九月已如此此去深冬更何似輕裘暖帽尙苦寒吾  
 民何況衣裳單破窰颼颼風雪裏一領殘氈擁妻子嗚  
 吁旣無杜陵廣厦千萬間庇汝寒士盡歡顏又無香山

刀尺製大裘在郡五考覆杭州三載徙俚民父母暖衣  
飽食真無補行將自劾返耕桑同汝飢寒同汝苦

重陽和小范家兄韻

遠宦驚心佳節過三逢重九古涇陽已拌秋老人同老  
漸覺宵長睡不長白髮來時休對鏡黃花多處且持觴  
登高忽見南飛雁萬里雲山是故鄉

菊花

菊花格本高獨立有幽意近者極人工剪縛出姿媚譬  
如遭世士屈曲就俗累眾目苟相悅天真已憔悴齋前  
種數本偪側不得地枝瘦影橫斜蕊多花蒼蔚色淡香

亦稀盡日無人至我獨數徘徊對此心爲醉所喜全其  
天豈獨知希貴

次韻答藝亭明府張鶴泉見寄之作

作詩不量力縱筆隨所撞古人奮追逐氣竭心未降譬  
如泰山壓猶欲九鼎扛思路魚銜釣吟聲風戰臆今茲  
遇強敵得無心神憊衣冠萃文物濟濟鄒魯魯豈比守  
孤陋但喜空谷覓楚咻易齊語從此言毋嗟

鶴泉再柬用昌黎贈崔立之韻次韻奉酬

君好學如孔圉敲萬卷羣書讀之盡新絲自織黃金梭  
古調獨彈白玉軫官貧徹骨句更工年老滾心瀉尤緊

風雲陣上起龍蛇樓閣空中幻蛟蜃我才不足強吟哦  
如鳴蒼蠅窺蚯蚓相皮不畏俗人譏滂眼獨虞識者哂  
君猶不棄許唱酬鹽媠倚粧倚邢尹但知捧心西子美  
豈料學步邯鄲窘新詩峻險更難攻屹屹長城列萬盾  
衝堅未得虎蒙皮要駕還憂馬絕絢神龍天弼雲與飛  
跋鼈彳亍天所贖強相追逐比孟韓氣竭汗流徒自閔  
乃知君才本天授相去何啻尺與引惜君早不登金闕  
簪筆螭頭森立筍一官邊塞困風塵物色誰能略牡牝  
此錯真鑄六州鐵厥名空說三邦籥呼牛呼馬亦不辭  
低首下心惟強忍卽今衣冠掛神武

時鶴泉將引疾歸

半世浮

名如朝菌赴壑油油大海鱗脫鞬泄泄秋天隼甘苦况  
與妻子共作息長安耕鑿蠶餘年儘可樂山水苦思不  
必勞心腎生從濟濟盛衣冠子弟振振納繩準君歸仍  
以投從  
為業無憂漸覺此身安得意惟虞厥問殞願君為學先  
性情狹隘要當化畦畛吾徒何必作公卿千古高人名  
不混

良玉

良玉不易沽美女不易嫁遲遲非苟難常恐識者寡下  
和泣荆山始悔獻闕下文君吟白頭何不守新寡惜哉  
不自重豈獨減馨價天心久可信吾道直難假存亡鄭

人應得失塞翁馬守正以俟時莫問悠悠者

送別小范大兄北上

四十年來弟與兄一番離別一番情青山到處都爲客  
白髮相看已半生此後對牀復何日於今匹馬又長征  
隴頭流水添嗚咽寢裏猶疑風雨聲

一肩行李伴征鞍此去誰能特眼看世味甘年澗閱歷  
宦途今日益艱難好將清白承先訓莫以材能結上官  
願得貧窮博長健年年尺素報平安

小范大兄行有日矣追憶四十年盛衰聚散之感  
不禁慨然重作五言長句一百韻誌吾兩人行

蹤并示子姪合其無忘艱難也

吾母晚得兄幼弱兼多疾朝夕相抱持九歲猶在膝  
吾年正肩隨時復爭棗桌跬步必追尋怒罵還相悅兄  
性慤且敦余懷坦而率有如歷巨虛得得相依活隆慮  
初趨庭其歲在甲戌夜眠冷共被晝讀喧同室遊山竝  
馬行見客易衣出三載赴綸城學文始弄筆韓蘇各專  
家萬卷書羅列先君以韓蘇二集分授吾兄弟時又得彭方伯家書數萬卷天資異  
所稟稍稍分甲乙吾父性方嚴督責明賞罰吾母  
獨見憐時時緩頰說寒臆一燈青夜雨聽蕭瑟咿唔至  
三更滄泣相匡勸至今一回首寢寐猶恍惚壬午兄南

旋間關咏車牽送別至河干望望烏帽沒男兒志四方  
所望爲英傑呢呢兒女情意氣固不屑兄來余復歸聚  
首僅旬月臨岐雖黯然中懷不抑鬱吾父嗣引退盡  
室返蓬華 祖母健在堂諸孫袂如掇闔家五十口團  
圍無一缺野有田可耕架有書可閱入 闈奉甘旨出  
舍攻簡畢晨夕不解愁歡樂真無匹及余倖成名隨  
父趨北闕兄畱奉 慈闈在家理一切維時兩 高堂  
步履安章鞍裘馬自輕肥舟車何飄忽豈謂數年間歲  
月去如瞥當兄來高陽勢已今昔別崦嵫愁暮景隱忍  
就微秩余時赴春官南北各分轍揮手縣東門惆悵心



如割後事未可知豈獨悲分訣湘南兄得官薊北余釋  
褐盛衰如轉環樂極生悲怛其年 父遷官迢迢在天

末官通纍纍積破產不得脫衣從質庫典水向監河乞  
奔走一年餘匆匆事始訖黔山高嵯峨滇水流沕瀦下  
車月三圓大鼓起倉卒伶仃一身孤慟哭萬事歇天南  
萬餘里誰復念存歿兄時在瀘溪百口共飢渴瘡剜心  
頭肉淚盡眼中血進退抵觸藩哀苦駢鳴圖長沙驚再  
見執手肝腸裂老 母髮星星幼弟影子子風雨泣沆  
湘雲山隔閩越暫停 在車殯遂託沿門鉞崎嶇歷山川  
忍痛還墨經常迴阮籍車幾敝張儀舌拮据歸里門艱

難葬遺骨自茲十年後聚鼓更難悉踵穿東郭屨衣敝  
西華葛急難感鵠鵠參差悲燕亂 慈闈中見背出入  
重銜恤萬苦與千辛往事甯堪述今茲來邊鄙一官守  
樸拙高閣束詩書俯首讀瀟律閭閻似水冷冠蓋如雲  
密蒿日亦多端點金真乏術行當見黜三自問不堪七  
兄來已五載左右相提挈當務判紛紜臨機佐勇決豈  
惟護倉眠猶復規得失侶和歐亭詩摩抄崆峒碣紀園  
花下酒柳院春前雪相將期白首不解如膠漆云何宦  
意濃頓使中情奔熱維不能畱車膏馬已秣功名等浮  
雲識者猶一映人生惟五倫不容我曠達嗟余命獨蹇

樂事不得一 高堂悲風木定省望永絕弟妹遠在家  
良朋書契闕瑤琴絃忽斷長簾牀空設相顧惟有兄  
去一何忽獨餘小兒女日夜啼聲聒顧影還自憐憂懷  
與誰泄况今非少壯頭禿齒俱豁縱使百年身能復幾  
番別東西與南北 君命不可必大海泛浮萍相逢更  
何日兄性復堅剛小官甯易屈可憐董項強竟作陶腰  
折笑罵總由人飢寒誰汝卹懸知雙松下日作書空咄  
臨行進杯酒欲語悲還咽心緒亂千條愁腸挽百結願  
兄保玉體相期在黃髮路險心自平官卑道不詘養性  
尚沖和守身惟靜潔不寐念 先人寸衷耿難滅

小范北上寄懷到三弟疊前送別韻

昔日東齋好弟兄天涯悵望不勝情  
公車久已饑方朔廷尉誰能薦賈生  
終歲懷人頻北顧何時策蹇復西征  
烏蘭別淚衣猶濕忍聽驪歌又一聲

東齋之建余與小范到三倡和極多

到三在靖遠以奔喪歸里服闋遂入都門今小范復去矣

津門來往據吟鞍回首鄉園掩袂看

到三下第後旅食天津爲來歲春闈

計百口飢寒誰汝卹諸昆奔忝告人難背城未可羞  
三北捧檄還期得一官頭白慈親穿眼望八千里外祝平安

張同溪示所作都中見懷詩次韻奉答

人生如飄蓬聚散良非偶畱君一月餘別君兩載後君  
詩誠有志落落喜自負錯落衆星間巍然建杓斗推許  
謬及余展誦顏爲厚蹉跎年半百放浪詩千首對此蚩  
蚩民常慚若若綬顧惟念先人不敢墮所守文章不足  
言德業更何有宦情薄似紗歸興濃於酒未知三兩年  
得遂初心否回思少壯日意氣消八九湖海富烟波淺  
澗成清瀏千秋君努力太息吾衰久

送別張遜甫公車北上

平涼立邑數千年在明獨有趙浚谷當時七子盛傳才  
我意嶮嶮尙不足崆峒山水天下絕毋乃英靈猶蘊蓄

下車三載苦搜求沙裏淘金璞剖玉張生卓卓漢中來  
一飛遂舉冲天鵠兒童奔走驚相告昔日等夷皆俯服  
卽今雨雪赴公車行李蕭條隨一僕飛黃騰踏去萬里  
親朋各舉離觴祝臨岐我忽有所思執手丁寧話衷曲  
娛親老景誠足喜得第少年未爲福吾徒讀書自有真  
在虛其心實其腹潼關東去黃河奔太行恆山高矗矗  
幽燕莽莽攬形勝今古茫茫弔遺躅京師人才萃淵藪  
長袖高冠接鞞轂右文况復際 聖明四庫琳瑯富籤  
軸尙論古人友天下先治身心次風俗 國家養士百  
餘年報 國豈徒糜餼祿買臣衣錦不足言枚馬嚴徐

亦碌碌要將憂樂同斯民勿以文章耀衆目君懷此意  
慎勉旃四海方知此邦穀

送張同溪還中衛疊前韻

功名不足矜一第亦爲偶如君志與行豈在古人後經  
綸未可期學養覘所負譬如海與江其器非筭斗天意  
若有在君恩亦已厚今茲返故鄉以德化黔首轉移  
有微權不必挾印綬先當本季第次亦嚴操守家庭共  
好惡鄰里通無有聚徒攻經書放懷及詩酒試問一鄉  
人觀感興焉否大河南與北丕變十有九還將洙泗斷  
易彼溱洧瀏鳴沙諸父老望君歸已久

涇州重別小范家兄

君隨涇水去我趁月光歸浩蕩真無極團圓或庶幾樽  
前愁自語嚮裏暫相依莫負雙驂約他年早拂衣



澹靜齋詩鈔卷之六

閩中 海峯 龔景瀚

庚戌以後草

新歲吟次江左許更齋韻

萬年天子壽無疆五色雲開瑞日光玉殿朝正 皇歛

福靈臺觀物史書祥太和保合乾元健 明德升聞至

治香豈獨藝封人獻祝謳歌今已遍殊方 是歲恭逢  
皇上八旬萬

壽之  
慶

鳳詔已頒塞下春天西氣象一番新三年德藝賓君子

萬井桑麻樂野人大酺賜租猶漢制始和布令亦周因

小臣宣化憂無術章服煌煌愧此身

時以元旦頒行恩詔

綰綬臨民已七年年年翹首望南天風雲未得乘時去  
松菊還應待我還城角高山猶戴雪隴頭新柳又含烟  
瑤琴不鼓將經歲懶慢無心再上絃

時光鼎鼎百年中得喪都應付太空舊事風如吹馬耳  
新詩境欲關蠶叢憑誰定我千秋業漫說文爲一代雄  
太息交遊半飄泊伯勞飛燕各西東

近得天台戴石屏暮年蕭瑟筆猶靈依人作計心終苦

更齋時在秦郡

伯幕中慰我離羣眼倍青篋裏詩篇何草草樽前

鬢髮已星星不須邊塞悲淪落會見天鷄下

闕庭更齋

以事遠戍在  
廿十八年矣

正月六日安國鎮道中

積雪半遮山，殘冰猶在地。旭日射車牕，盎然有暖意。柳  
芽苞欲放，草色淡如睡。青葱未可言，各各含生氣。因思  
前夜冷縮腳，不成寐。相去未經旬，寒暄何太異。物極勢  
必反，陽開本陰闕。至此見天心，因之悟人事。今茲看長  
養，曷曷羣生遂。寄語苦寒人，慎勿怨憔悴。

燈夜過訪張鶴泉承惠新詩次韻賦謝

良宵聊自遣，信馬趁燈多。明月懸歸路，幽人想寤歌。相  
思門可款，久坐夜如何。逸興翻飛動，頻將凍筆呵。

兩詩翻水就萬象逐春回  
乙乙清思出沈沈異境開  
風塵雙鬢老詞賦一家才  
鶴泉次君亦能詩  
莫漫愁岑寂明宵倘  
復來

王母山次張鶴泉韻

漢之回中宮也

西望瑤池萬里長  
周家八駿亦奔忙  
白雲久已歌王母  
青鳥何緣會武皇  
別殿春風曾貯月  
茂陵秋草幾經霜  
翠華想像回中道  
浪說仙人不死方

鶴泉寓居東郭間  
隔壁書聲喜而作詩  
見示推功

於余愧何敢當今  
蓉莊太守留鶴泉  
主柳湖書院  
文教之興此其徵乎  
次韻奉柬

窮經將致用不學猶面壁作令化斯民豈徒恃瀟律菁  
我沐難化矧際 作人日禮堂文化蜀善教卓在密此  
地况多才濟濟古都邑惜哉未得師如髮亂不櫛忠信  
必有人我敢薄十室旁搜聚俊父永日諫簡畢授瀟略  
舉凡治標先去疾精微未暇語教誨亦多術所賴石徂  
徠肯爲希文出破其蟋蟀鳴奏以清廟瑟白駒永繫維  
勿便返衡華

時鶴泉引  
疾將歸

張犖倩少君以詩乞水仙花次韻東贈

冷暑幽葩欲破春生來原不襍風塵高標落落清無侶  
疎影離離瘦有神一曲琴心滄海上十年魂瘦楚江濱

從今相見張公子配食寒泉莫厭貧

疊前韻答鶴泉代其令嗣謝水仙花之作

小園花意各爭春玉立嫣然獨出塵  
微步凌波洛浦女輕肌映雪藐姑神  
馨馨蘭芷思公子采采蒹葭溯水濱  
標格固應同汝老清泉白石未爲貧

王騰夫以新開水仙花見惠疊前韻賦謝

邊城贈我一枝春洗却名場十斛塵  
不異素心人共語頓教詩筆老能神  
優曇似覺來天上杜若何須問水濱  
相對瓊瑤真暴富蕪休說范丹貧

鶴泉復有詩來意欲此花作詩拒之疊前韻

空中色相鏡中春  
素質遙看不染塵  
生自蕭齋猶蘊藉  
移來冰署更精神  
充帷我已羅堂下  
解佩君休慕漢濱  
豈似楊花隨處落  
縞衣長守冷官貧

鶴泉和章謂獨處之際此花正宜留伴清幽時值  
張孺人周忌也閱之悵然有作夢前韻

花落花開又一春  
匆匆過眼隙中塵  
忘情未逢莊生命  
感物徒傷奉倩神  
寂寂孤雲倚隴首  
萋萋芳草遍河濱  
寒泉一掬爲清供  
回首當年共食貧

二月十七日試士鶴泉用東坡飲清虛堂韻長句

見贈依韻賦答

選俊艱如金揀沙投卷紛如蜂鬧衙敢言十室無好學  
但恐五色迷眼花崆峒奇秀甲天下鍾靈豈乏文章家  
惜哉師承久斷絕後生秉筆輕塗鴉先民矩矱久不講  
何論易瀉與詩葩有時佳句得一二瘳處似倩麻姑爬  
餘甘未回味已瘳不異濁水煎清茶沈埋美質真足惜  
無門可入鞭誰撾今聞先生主講席鶴泉今延王  
柳湖書院風之  
變也期咄嗟陶鎔萬類入鑪冶會見文采蒸雲霞

周魯瞻昆仲入都 廷試許更齋作鸞三二韻詩

送之益祝其速仕也然讀書養親魯瞻志也余  
知之久者因次韻別作二首贈別



堂堂二陸出雲間，日文名震帝關。  
莫便疎狂多白眼，白須知謠詠爲眉彎。  
陳詞宣室應前席，回首崆峒是故山。  
山間道蘭陔無小草，知君心不慕朝班。

秘室遺文好共搜，浩如雲海擁烟嵐。  
寫官已總羣書七，鼓篋甯言肄業三。  
行李蕭條圖史富，殘膏沾漑筆花酣。  
老夫亦欲分餘潤，佇望歸裝載兩驂。

平涼苦無藏書，曾  
瞻將入都求之，並  
爲余代購數種。

寄酬同年李劔溪太史疊前送小范家兄韻

海內論文幾弟兄，尺書款款見深情。  
相看落魄成何事，半爲虛名悞此生。  
君似馮公悲白首，我如潘令悔西征。

七年幽谷無人問苦憶丁丁伐木聲

衝途日日據征鞍猶抱遺編馬上看敢謂微軀勞鞅掌  
須知吾道本艱難生天未得歸兜率說瀉何妨現宰官  
寄語故人休念我此身到處總相安

劔溪復有詩來備述近况蓋苦貧也再疊前韻慰  
之

曲江春宴弟同兄廿載浮沈見世情出谷空吟求友句  
入關誰識棄繻生近聞棫樸興多士會見茅茹慶策征  
碌碌風塵邊外吏可能和汝應同聲

春明八直上吟鞍一帶西山拄笏看語必驚人猶未貴

貧能樂道乃爲難曾聞獻納須端士莫謂頭銜是冷官  
陞植侏儒終日飽何如方朔在長安

春草用袁簡齋韻同張鶴泉許更齋作

郊原雨歇綠初肥暮歷晴烟送晚暉南浦傷心人乍去  
高樓望遠淚頻揮迷雲寢短梨花落貼地風香燕子飛  
萬里天涯春一色何時緩緩踏青歸

題松厓吳丈看花圖

蒼松天矯竹檀藥亦有閒情看牡丹富貴無常花易歇  
不如時在畫中看

十年歸隱卧烟霞咫尺沔陽尙憶家何似閩人作秦吏

八千里外寢梅花

閩不產牡丹而梅花特盛

題張孺人畫像

傳摹經數手畢竟非  
邪是指點各紛紛  
佇立空凝睇相  
似已傷心何況不相似  
嗚呼百年人換此一  
張紙

劉家井至打喇池道中

昔昔細草軟如茵  
曾逐香車碾後塵  
好似西州門畔路

一回過處一傷神

丁未六月由靖遠赴平涼與張孺人同過此

屈吳山下日斜曛  
父老猶迎舊使君  
爭向車中望顏色

那知白髮已紛紛

題晉鹿畫扇

釣艇坐秋風日夕照波裏他處豈無魚不如儂鼓里  
落葉辭故枝隨風將何之不如山上草榮枯長在茲

留別平涼士民

去此已年餘匆匆又駐車道旁諸父老相對尙欷歔日  
落鴻聲急秋高木葉疎關心問生計臨別更踟躕

三年偃卧理上下淡相安歲稔庭無事民和吏不殘卽  
看情繾綣益覺別艱難山色崢嶸好回頭馬上看

鴻門阪

拔山蓋世氣如虹眼底何曾有沛公此日能爲樊噲屈  
重瞳真不愧英雄

鴻門重題

沛公酒色徒碌碌何足忌五載得天下僥倖乃天意庸  
人論成敗爭謂亞父智天心不祚楚殺人其可覬淮陰  
善將兵曲逆多奇計惜哉多楚才乃爲漢所致宰相不  
薦賢焉用股肱寄亞父本庸流項三竇大器蹭蹬竟無  
成古今爲隕淚

新豐

五年奔禿各西東忍以杯羹棄若翁百戰功成天下卷  
家家鷄犬識新豐

驪山襍咏

舉火峯連賜浴池前聞袞嬖後楊妃佳人兩度傾人國  
猶有青山學畫眉

繡嶺東西草自秋溫泉終古水長流繚垣一帶無殘堵  
何處宮人忝馬樓

文瑤密石螿中央供奉新開十六湯一朶玉蓮浴妃子  
山花猶帶瑞龍香

朝元閣上奏霓裳賀李琵琶各擅場一自鈴聲聞蜀道  
滿山松柏盡淒涼

空餘膳粉與遺脂好事徒增弔古悲老我無心問花草  
獨騎瘦馬認殘碑

藝陰嶽廟望藝山

藝山如削成三峯孤更絕轟轟鑿天青軒闖地出的  
的萬丈蓮森森千柄笏輝輝頰仙掌稜稜聳傲骨其形  
直以方其氣巖而殺有如執瀆官面目冷積鐵峩峩冠  
惠文百僚憚風節又如古清士特立性峭潔塗炭視儒  
儕望望去不屑撐拄雍梁交屏蔽西南缺氣噴萬山青  
勢開平野闊川原忝豐鎬名都似星列風雨接彼南雄  
關若天設終南實附庸雷首亦旒綴黃河塞外來勢已  
無中國八水助揚波觸處欲崩裂堂堂坐其衝遠望神  
先奪委蛇不敢抗屈首乃東折偉哉造化功位此神靈



穴金天蕭霜露白帝秉圭臬萬彙賴陶成一方靜妖孽  
拱極作西藩綱紀天之末巍峩瞻窟貌丹青煥懷楔摩  
抄周秦樹拂拭漢唐碣何當乘風昇絕頂眼一豁矯首  
望八荒駕鹿朝雙闕

豫讓橋

漁洋山人古夫于亭襍錄謂讓從恩怨起見非  
天理民彝之正故其題國士橋詩云國士橋邊  
水千年恨不窮如聞枉厲叔死報莒毅公自謂  
可以敦薄余意晉尚有君讓非中行智氏之臣  
特爲知已死耳不得以厲叔律之厲叔之言近  
對亦非純臣之義漁洋薄讓而取厲叔皆非也  
作此  
正之

志士各有立處死焉能同當時百里奚亦不殉虞公况

復晉君在虛器擁宮中智氏非其主安得云效忠士爲  
知己死友朋理尙通榮枯不改節此事固足風若云君  
臣義天地相始終寤論知不知報施說亦窮厲叔雖忼  
慨憤懣非靖共一死良爲難惜哉言不衷

文中子故里

河汾道統承洙泗漢晉而來第一人獨向遺編尋墜緒  
能傳絕學指迷津及門文飾多非實後進譏訶更不倫  
千載今來騎馬客瓣香故里薦溪蘋

祀雞臺

萬樹垂楊綠已齊汧流活活水平堤陳倉霸氣消沈盡

猶有高臺說祀雞

次壽陽驛讀壁間昌黎公詩畱題數語

匹馬星飛撫亂師身當王事敢辭危朝廷自爲人材惜  
臣子惟求已職宜萬甲歡呼傾片語千秋感慨讀遺詩  
漢州圍解牛元翼想見開雲走鱷時

芹泉鎮至張井

兩岸青山一水遙疎林時見酒旗飄芹泉鎮上濛濛雨

客寢難忘曉月橋

鎮西有曉月橋

幾家茅屋傍山幽兩道清泉遶石流策馬欲行還少住

愛他風景似吾州

溪山十里彷彿建溪

橋頭村

樓外青山山上樓  
人家重疊傍橋頭  
何時過此聽春雨  
百道溪聲一派流

題涂曉村強恕圖小照

圖畫兩舟遇風一順一逆又糸以范文正之詩曰一棹危於葉旁觀亦損神他年在平地忽忽險中人雨蓑雖不同大意欲失意之時當泯怨尤得意之時勿忘患難所謂強恕也

我嘗長江萬里駕小艇  
一葉飄飄若斷梗  
波翻浪簸不得前  
盡日含愁顧帆影  
忽見大舸乘風來  
濤聲浩浩何雄哉  
得時頃刻百千里  
相形豈免生嫌猜  
到岸之時彼同此  
逆者何憂順何喜  
乃知當局徒自迷  
萬事紛紛皆

一理畛域既分物我隔至親骨肉同夷貊錙銖尺寸不相容何況悠悠行路客豈知天下本一身何薄非厚疎非親聖賢之道在克己惟恕足以達吾仁知者固難行不易其用在強乃有濟反身三亦省身三君之爲圖誠有意我讀范公詩悠然生遐思秀才有志任天下想見中書叅政時君誦此詩玩此圖此志願毋間須臾居安須念世多故出險莫忘人向隅盡脫風波登衽席斯人要是吾徒責無憂還復同民憂有溺當思由已溺

甘樾驛寄懷小范家兄

故關東去是甘樾驛路雲盤亂石高戛戛蹄聲憐瘦馬

蕭蕭霜氣怯征袍連山不隔蘆溪月

兄方署蘆溪巡司

遠水難

通蠡澤濤永日江鄉西向望定嗟予季尙勞勞

三載彭城夜雨同

兄在余署三年

歐亭吟罷又崆峒

中衛平涼唱和極多

卽今展卷鬚眉在猶勝相逢寢寐中間道齋廚晨食栢  
遙知庭院日哦松清貧要是吾家舊贏得新詩較昔工

過郭隗故里

王良伯樂渺難尋慨想賢王索駿心多少鹽車困良驥  
當年一骨值千金

故關

列塞三千里雄關第五陁

太行八陁并陁爲第五陁

天臨濼谷小雲

擁成樓青北拱星歸極西行水建瓴懸崖真絕險我欲  
勒張銘

題秦侍讀小峴橫山丙舍圖

橫山小峴尊  
人葬處也

山蒼蒼水茫茫林木蕭瑟雲低昂啼鳥啞啞求返哺繞  
樹三匝徒徬徨先人釣遊處歷歷不敢忘手口想遺澤  
况乃體魄藏一官匏繫長安邸春秋怵惕露與霜欲耕  
無田蠶無桑何時歸去澆杯漿濡筆作此圖脈脈寄所  
將淚痕墨氣俱透紙湖光山色皆悲涼嗚呼我亦爲人  
子遠宦乃在天一方石倉湖上洪山陽

洪山之原  
先君葬處也 癡

魂夜夜隨風翔閒關萬里阻且長窮年奔走爲底忙薄

祿未能贍宗族微名其可俛顯揚惜哉何益存與亡胡  
不早歸廬墓旁松楸鬱鬱靈倘伴亦如生時倚門望猶  
來無止心皇皇泉臺當復九迴腸念此能不泣數行惟  
君與我同心傷豈獨山水思故鄉

李劍溪侍讀以詩索狐裘行篋無佳者解所服敝  
裘贈之次韻奉柬

邊吏十年勞鞅掌一領敝裘卽仙氅豈無風雪苦嚴寒  
平生不作溫飽想宗族舉火曾幾家薄祿愧難資俯仰  
窮黎百結尙懸鶉忍以膏脂爲我養初冬十月渡黃河  
啣雪麋冰歌慨慷京洛故人多貴顯輕裘肥馬迥非羣



寒炎異勢判雲泥  
柄鑿何殊蜀洛黨  
惟君款款具淩情  
空谷屢聞足音響  
新詩忽至索狐裘  
霜月高高正當幌  
齋壇豈少贈裘者  
正字清風義不枉  
知君謂我應同聲  
黃鍾正叶牛鳴盎  
行篋雖空衣可解  
美惡無須較銖兩  
人惟求舊物亦然願  
略皮毛索真賞

題梁九山太史萬梅書屋圖

梅花孤故高乃以少爲貴  
空庭一兩枝領略淡中味云  
何有萬株錯立如霞蔚  
高士豈能多毋乃襍涇渭  
吾聞漢唐末黨禍吁可畏  
小人何足責難爲賢者諱  
特立尙真修奚必廣  
聲氣汲引爲名高  
標榜真無謂以茲悟物

理通之治花卉盡取勢未能得一心已慰請君瀟其意  
一一分品彙偽者痛刪除真者勤灌溉常材俱可棄嚴  
選毋旁暨竹外與水邊位置有經緯茅齋處其中晨夕  
閒來墜風弄影參差月浮香髣髴他日同歸田略措斗  
酒費吾當日扶藜來問花開未

題陳給諫劍城望耕圖

黃閣居鄰尺五天得閒時復稅桑田定知入告皆民隱  
不異幽風七月篇

含哺鼓腹樂怡怡暑雨祁寒又一時憂樂同民農事急  
未須稼圃薄樊遲

經鋤昔日憶田間驄馬今隨柱史班  
籬裏亦知牛背穩君恩未許早還山

臨洛關

雄關當路啟古木夾雲稠今日輪蹄會當年割據州  
邯山猶未盡洛水自長流此去黃梁道茫茫土數坏

關距呂翁

祠二十餘里

赴循化道中

河州西去鬱嵒嶷鳥道盤空百丈遙出塞方知天地闊  
近關已覺語音聳山當絕域朝朝雪路繞流泉處處橋  
持節慚爲假司馬從今未敢薄班超

小積石山

水經注謂之唐述山

當年鑿空說崑崙曾笑張騫是妄言今日與中觀積石  
真從塞外溯河源

喜見梅花

以下補遺

春風二月見梅花十四年來苦憶家疑是雙驂亭上坐  
豈知畱滯在三巴

雙驂亭梅花甚盛  
余家中讀書處也

義田歌

為秦蓉莊先生作

三代以降廢宗瀆收族無人恩不洽各子其子親其親  
自富未聞周一乏祖宗當日本一身其後泛泛如途人  
吉凶患難不相顧嗚呼風俗何由淳昔聞有宋范文正

始作義田贍族姓忠宣繼之制益詳姑蘇事業今猶盛  
此意悠悠五百年誰將遺事瀟前賢功名及遠不及近  
胞與爲懷亦枉然祖宗餘慶鍾孫子孫子官高但爲已  
倡優醉飽僮僕歡豈識族人飢欲死先生乃有古人風  
殫力經營廿載中千畝腴田供舉火導源實始賡和公  
先生尊甫賡和公始倡捐義田父子同心世濟美淮海  
百疇至今歲先生增爲千疇而來方有此秦氏出於少游白明迄今四百此田萬載  
年簪纓相繼至是乃有義田復千秋惠水長流錫山峙故知憂樂能同民本於孝弟  
施由親先生所至多惠政輿人之頌甯無因賤子生平  
渴慕古今日門牆欣復覩揮毫忼慨作長歌却憶遺言

淚如雨

先大夫滇南彌留之際猶以義田義塾爲囑

壽秦蓉莊先生

代

家國兩無負君誠出世才族無歌葛藟

置義田千畝贍族

民已

頌臺萊椒酒春盤獻

甲寅正月三日先生初度

蓮峯壽域開白頭門

下士先進紫霞杯

和吳海宴山長種槐次韻

種成桃李幾千株邊地春光似此無漫道河陽花滿縣  
何如鹿洞與鷺湖

百卉欣欣又向陽空嗟歲月去堂堂諸生莫恃春風好  
秋至還期晚節香

出北門至柳湖

隴麥青青映遠沙河干一帶柳陰斜平涼三月春光好  
到處牆頭見杏花

兒輩欲至崆峒詩以示之

兒曹日日說崆峒心在箚頭第一峯我代山靈索詩句  
移文先使白雲封

昨從龍隱聽泉聲又向崆峒頂上行元鶴有知應笑汝  
少年山水太多情

偶作新詩亦起予文章山水本相於他年畱滯周南日  
可有龍門讀父書

吳海晏周竹坡在崆峒以詩相招作此答之

八載名山作主人山中面目瘦猶真不須更逐漁郎去  
又向桃源一問津

聞道桃花爛漫開君如劉阮到天台五年獨卧維摩室  
肯爲胡麻一飯來

王芥亭二兄在姚雪門先生幕垂三十年是圖先生所命意也未及翅識而先生棄世矣芥亭出此示人言及輒潸然涕下余於先生亦有知己之感者也爲書三絕

浣花溪上幾經秋杜老生涯已白頭却憶往時嚴僕射



年年揮淚過西州

老成風範儼如存北海當年嘆虎賁我亦披圖重太息  
黃樓賓佐憶蘇門

龍蛇妙蹟多如許惜少先生一幅書極目江南春色遠  
愴懷豈獨爲吾廬

題趙琴軒小照

琴軒棲息處一望白雲深隱几看春色焚香清道心名  
花猶作態疎竹自成陰流水高山外何人是賞音

蚤起

雨聲初歇漏聲遲幕府傳催五路師草罷軍書燈未燃

閒裁餘紙寫新詩

感事

總戎不至金栽寺黠賊先焚白瓦溝五百健兒猶力鬪  
三千甲士爲誰留轉輸不念遺黎苦宵旰重煩 聖王

憂甯作石城袁粲死渠江嗚咽正東流

袁總戎國璜忠  
勇敢戰三戰三

捷以兵少無繼中  
賊詭計沒於陣

哭副總戎韓公

加業

仁巖勇智世無倫倉卒行師志未伸

賊逼沔縣調至陽  
平關防兵五百名

皆新募無紀律  
倉卒將之禦敵

一死自當酬

聖王九原應不愧嚴親

公尊人以把總  
出征金川陣亡

定軍山上雲常冷諸葛祠前草不春  
公死

處距武侯墳僅數里坐地彎弓猶殺賊紛紛鼠竄彼何人賊匪突至公馬

何之盤膝坐地上拈弓出矢殪其馘旗頭目一人同公

去者皆先避

十載交情骨肉親余令平涼公署平涼遊擊事遂定交連年戎馬共艱辛

嘉慶元年余隨宜制府公爲公兄自翼長歷恆將軍松制府幕府傷心伯子方分袂昌自四

川回甫至漢中一宿遂有西年八十回首高堂更愴神

甯之役去三日公遂漢中兵民商旅間還難

尙在堂漢上列屯悲大樹公訃無不泣下者涇陽舊部泣

遺民公任靜甯都司及署平涼皆有惡政裹屍馬革君何恨我爲朝廷

惜此人

### 自大成砦至羅江口

柳花紅映菜花黃八廂場連北斗場正是少陵歌咏地  
憐他戎馬太倉皇

山環峭壁皆爲砦路轉滾溪亦有門竹綠苗青好風景

幾家安樂在田園

自軍興以來鄉民皆練鄉勇山頭立砦隘口安卡其餘幼弱充夫任轉輸

役之

### 羅江口至蓬州

山容積翠水波清無數花開照眼明風鶴豈能無小警  
田疇幸未誤滾耕比閭劇賊頻相伺日盼將軍早出兵  
慚愧郊迎諸父老焚香一路到州城

### 過豐城場

賊匪王三槐起事處

高原白骨亂如麻  
劫火燒殘剩幾家  
誰唱人間可哀曲  
滿山開遍杜鵑花

題曹雲瀾

麟開

刺史西域圖咏

漢家天子開疆日  
秋圃先生山寨時  
一幅書圖詩一卷  
何如柳雅及韓碑

題曹雲瀾賜環楚遊二集

雲翁詩稿等於身  
我愛西歸兩集真  
記取江南秋浦路  
九萼山下有詩人

投荒萬里卧龍沙  
匹馬歸來鬢已華  
杜老平生感知已

又隨幕府入三巴

雲瀾從戍所歸卽入明將軍亮幕中

楚江西去路逶遲所歷蠶叢必有詩蜀水蜀山應待汝  
放翁而後筆淋漓

林巒塗抹亦超羣三絕還如鄭廣文臺省諸公何袞袞  
白頭橐筆尙從軍

良馬歎

嗚呼王良伯樂不易得屈首鹽車受鞭策太行之山千  
仞高羊腸盤折心勞勞仰天一鳴淚霑臆道旁觀者皆  
太息金鞍玉韉飾錦驄當路意氣何其雄

題周講堂秋林返轡圖

十年沙磧泣相隨萬里生還未可知畱取畫圖示孫子

莫忘祖父出關時

白雲親舍望中凝，雲外青山幾萬層。夜夜寢隨流水去，

漢江百折到金陵。

講堂侍其尊人遠戍新疆十年始奉歸金陵里舍家貧復出就館興安爲

計頁米

樊城啟行

驅車乍出萬山中，眼界今朝始一空。平野烟雲何蒼莽，  
中原氣勢自沈雄。詩人常慮天陰雨，猛士誰歌漢大風。  
一日補牢猶未晚，幾回回首望諸公。

三橋鎮

未央宮闕化爲塵，故老能言賸幾人。惟有三橋河畔柳，

依依猶帶漢宮春

咏墨牡丹

生長人間富貴家，獨標淡雅雅。洗鉛礬，不須多買胭脂染。  
本色還爲耐久花。

題姜星六廉訪小照

先生古仁者，真氣溢於貌。春陽煦萬物，生機無不到。文  
孫稟餘澤，森森均有造。衙齋侍杖履，一以身爲教。化若  
金在鎔，合若圭就瑁。源潔流自清，表正影不撓。萬石家  
子孫不問皆忠孝，况乎積善家。天道有施報，先生之課  
孫不待諄諄告。願學先生者，先須慎所好。



題小范大兄木末草堂圖

如許才藝老一官年年擊楫在江干  
天邊鴻雁分清影木末芙蓉耐晚寒  
對酒情懷猶索寞哦詩風味益艱難  
往來間道多君子且作封人冷眼看

五載從容鬢雪繁歸來孺婦笑聲喧  
生平未敢求溫飽此日奚遑問子孫  
蒿目蒼黎猶未奠傷心手足幾人存

同懷十人  
存者五百

惟祈賊滅身俱健  
風雨連宵話故園

樂君二姪學書不成棄而學賈去冬來蘭州今返  
江西次小范兄韻作詩二首送之行並呈小范

大兄

努力驅馳在此行男兒各自赴前程讀書未遂顯揚志  
服賈還伸孝養情堂上椿萱身已老家中俯仰責非輕  
善人亦足侑鄉里莫似文淵志不成

七年軍務苦相縈贏得頭顱白雪盈豈有心情貪富貴  
但隨黎庶盼昇平花樓跼尊看兒輩禪榻茶烟了此生  
樂君有爲余買妾之議故以此止之先志何時能繼述老夫慚愧守寧城  
先大夫臨沒猶諄諄以義田義塾爲囑景漸不肖至今未能成其志也

小范大兄來書索木末草堂詩五年於茲矣前歲

江口軍營匆匆草兩律寄去未及自書也樂君

姪來口述兄意必欲得手跡今日稍暇乃操翰

爲書一通寄廬陵陳少府將去字畫惡劣不足  
觀聊畱鴻爪以示子孫耳時嘉慶壬戌正月十  
九日 先君忌日也書畢復得五言一首併題  
於後

今日此何日君子終身憂迴憶卅年前淚湧如泉流滇

南雲萬里愁入湘江舟

先君卒於雲南鎮南州署時  
兄奉先太夫人寄寓長沙相

見執手哭長願好無尤世事經萬變蕭蕭兩鬢秋弟兄  
均老矣宦海仍浮漚伯勞與飛燕何日得相投鯉庭不  
再得姜被其可求題詩重太息語盡意無休

題陳封溪小照

我心本無暑到處皆清涼對此蓮與竹妙合聞天香陳  
君有道者面澤鬚眉蒼浩浩常有得漠漠仍深藏此圖  
聊寄意偶也非其常鳶魚自活潑草木皆芬芳何時非  
樂處何地非仙鄉展卷索其跡毋乃拘於方

和小峴先生見懷詩二首

一別春明晚相思又七年把君詩在手感此意殷拳時  
事迥非昔文章卓可傳潤身還及物莫漫說歸田

黃巾滿秦蜀蒿自己三年雄辨無儀舌危言愧鬻拳坐

看民困苦忍說策流傳

去歲獻堅壁清野之議為蜀中  
當道所阻而止觀者謬謂其文

可傳空言何  
補徒增愧報

只合抽身去歸耕百晦田

九日登皋蘭山作

皋蘭山遠在焉支之西千餘里金城城外安有此

漢書匈奴

傳霍去病自焉支山千餘里始戰皋蘭是皋蘭在焉支之西鄯氏水經注疑以爲今河州之石門山灘水入塞處也然猶未敢定今乃以蘭州城外之山當之失其實矣隋人不學誤題名

隋朝始誤以此

山爲皋蘭山

毛氏偁州大類是

隋人誤以屯氏河爲毛氏河遂立毛州誤亦類

此清秋九日策馬來登高遠望亦雄哉是非往蹟何足

問對此茫茫且舉杯持螯飲酒歌慨慷置身如在青天  
上俯視秦川一氣中萬里關河何莽蒼丈夫未得際風

雲低頭矮屋日論文祭酒書生封侯相功名何必三將

軍

蘭州城外有漢霍趙鄧三將軍坊然漢之金城郡治允吾在今皋蘭之西百三十里與張伯平番交界

處故金城爲河西五郡之一  
今屬蘭州四顧躊躇忽不

乃漢之金城縣屬於金城

時皋蘭縣屬金城

樂滿目哀鴻在林薄

被災方甚已費司農百萬

錢諸君何以憂民瘼南望况有橫與積洞庭兩岸紛屯

營

湖南苗匪湖北毅匪猶未平

大兵方進攻黃河之東幾幾從東去安得

挽入湖湘洗甲兵

### 贈友人之洛陽

二月之吉得君書知君到洛當歲除洛陽距東千里餘  
河水稜稜雪載途朔風凜冽割肌膚馬羸車敝瘵僕夫  
平原莽莽皆平蕪塵沙撲面眼模糊柳芽不青草猶枯  
有酒誰向荒村沽君意得無不樂乎胡爲新詩一句無

雪毬花

數竿綠竹颭窻紗盡日攤書興未賒  
一夜春風好消息  
小園開到雪毬花

澹靜齋詩鈔卷之六終

男

豐瑞

穀孫福康校字